




22



SENTENTIAE  
PUERILES  
PRO

PRIMIS LATINÆ

Linguae tyronibus, ex diver-  
sis Scriptoribus collectæ.

---

Per  
LEONARDUM CULMAN.

---

*His accesserunt pleraque veterum  
Theologorum sententia de  
vera religione.*

---



CANTABRIGIÆ,

Ex Officina Joann. Hayes, Academiæ  
celeberrimæ Typographi, 1676.




VIRO BONO Et ERUDITO  
CHUNRADO KOLERO,  
Civi Grayshheimensi, Leon.  
Gulman, S. P. D.



*Libellum hunc Sententiarum qualem-  
cunque, puerilem sanè, ante aliquot  
annos in puerorum usum, ex bonis  
autoribus undique collectum, atq;  
jam denuo in filiorum tuorum gratiam in hunc  
ordinem classicum redactum, tibi dedicari vo-  
lui, Chunrade optime, quo constans animi mei  
erga te propensi & amantis signum semper ha-  
beres, memorémq; me tui, atq; beneficiorum in  
me collatorum diceres. Sic enim amarem amore,  
beneficium beneficio, pro ingenii mei atque re-  
rum tenuitate satis pensatum puto. Quamvis  
dices, hoc officium verius in filios tuos collocatum  
esse, quorum studiis consulere possim: verum sci-  
vi te hoc munere præcipue literario apprime de-  
lectari, quia non solum literatus es, verum eti-  
am summopere curas, ut bonis literis atque mo-  
ribus filioli tui rectè formentur, quo reipublica  
Christiana olim prodesse queant. Proinde tu, loco  
filiorum tuorum, laborem hunc meum avido &  
bono animo accipe, & amantem redama.*

Bene Vale.



*Duplicate money*



# S A P I E N T U M

## S E N T E N T I Æ

pro primis Latinæ lin-  
guæ tyronibus collectæ.

*Sententia duarum Dictionum.*

<b>A</b> Micis opitulare.	Deserto neminem.
Alienis abstine.	Delecta amicos.
Arcanum cela.	Diligentiam adhibe.
Affabilis esto.	Existimationem retine.
Amicos probato.	Ebrietas dementat.
Audacia periculosa.	Ebrietatem fuge.
Amicis utere.	Exerce probitatem.
Bonis utere.	Æquum judica.
Blandus esto.	Familiam cura.
Bonis benefacito.	Fac justa.
Benedic omnibus.	Filios erudi.
Cognosce teipsum.	Fuge turpia.
Cognatos cole.	Inimicitias fuge.
Concordiam sectare.	Iracundiam tempera.
Calumniam oderis.	Inimicitias dissolve.
Consule inculpaté.	Iustè judicato.
Dolum time.	Iustitiam colito.
Datum serva.	Iusjurandum serva.
Deposita redde.	Libenter disce.

Ludos fuge.

Legibus pare.

Laudato honesta.

Linguam tempera.

Libros evolve.

Liberos institue.

Litem oderis.

Mortalia cogita.

Magistratum metue.

Mundus esto.

Majori cede.

Minori parce.

Magistrum metue.

Multitudini place.

Mendacium oderis.

Meretricem fuge.

Neminem irritato.

Neminem irriferis.

Nè jurato.

Neminem vitupera.

Nemini aduerseris.

Nihil diuturnum.

Omnibus placeto.

Oculis moderare.

Ociosus nè sis.

Otium fuge.

Omnia mutantur.

Pacem dilige.

Pietatem sectare.

Probrum fugito.

Principem honora.

Periculosa temeritas.

Principi obedito.

Pudorem serua.

Propria custodi.

Prudentiam exerce.

Respice futurum.

Reverere parentes.

Religionem cole.

Regem honora.

Risum moderare.

Rectum quære.

Rationi obtempera.

Rumores fugito.

Sapientibus utere.

Sobrius esto.

Saluta libenter.

Seniorem venerare.

Suspicionem abjicito.

Temperantiã exerce.

Tempori pare.

Tecum habita.

Veritati adhæreto.

Uttere virtute.

Violentia moderis.

Voluptatem tempera.

Verecundè responde.

Verecundiam serua.

*SEN.*

**SENTENTIAE TRIUM**  
Dictionum.

**A**mor vincit omnia. Amor sui cæcus.  
Arma nesciunt leges.  
Audentes fortuna iuvat.  
Assiduitas durissima vincit.  
Avarus semper eget. Avaritiâ nihil miserius.  
Auro nihil inexpugnabile. Ars vincit naturam.  
Aliena concupiscere noli. A vitiis abstineto.  
Amicos pecuniæ faciunt.  
Avaricia vitiorum caput.  
Alii aliis præstant. Assuefactio efficacissima est.  
Belli exitus incertus.  
Beneficii accepti memento.  
Belli fortuna anceps. Bellum gerendū consilio.  
Brevis hominum vita. Bis pueri senes.  
Cultus res sacra.  
Cor hominum indomabile.  
Cor hominis pravum.  
Crimina multa dissimulanda.  
Comparatio omnis odiosa. Cuique sua des.  
Comitas amicos parit.  
Comitate vincendi morosi.  
Conscientia mille testes.  
Cibus immodicus noxius.  
Consilio inimica iracundia.  
Cupiditas est inexplebilis.  
Cupiditas pecuniæ fugienda.

Calamitas nemini exprobranda.

Convitiis non respondendum.

Desidia generat oblivionem.

Dies affert multa.

Difficile assueta relinquere.

Divitiæ fastum pariunt.

Dies ægritudinem adimit.

Desperandum de nemine.

Dona multum possunt.

Delinquentes sunt corrigendi.

Divitiæ victorum ministræ.

Difficillimum vincere naturam.

Discordia dilabuntur regna.

Difficilia quæ honesta.

Divitis incauta oratio.

Divisio rem attenuat.

Dubium quodcumque probato.

Dubius rerum eventus.

Dives omnis inexplebilis.

Doloris medicus tempus.

Exercitatio optimus magister.

Exercitatio potest omnia.

Æquales æqualia delectant.

Exilium multos honestat.

Experimento nihil certius.

Ætate prudentiores reddimur.

Ebrietatis comes oblivio.

Ætas corrumpitur vino.

Flagitiorum turpis exitus.

**Felicitium**

*Sententia Pueriles.*

**Feliciū multi cognati.**  
**Felicitas incitat inimicitias.**  
**Fames optimus coquus.**  
**Fortuna reddit insolentes.**  
**Felicitatis comes invidia.**  
**Ferocitas lenitate sedatur.**  
**Factum stultus agnoscit.**  
**Fœminæ sunt inconstantes.**  
**Furori cedendum est.**  
**Fuge nimis alta.**  
**Finem vitæ specta.**  
**Forma perit vino.**  
**Fortes fortuna adjuvat.**  
**Fame nihil miserius.**  
**Firmum in vita nihil.**  
**Fugax est ætas.**  
**Futuli nihil credendum.**  
**Finis miseriæ mors.**  
**Gaudium dolori junctum.**  
**Gratia gratiam parit.**  
**Gloriæ fundamentum labor.**  
**Honos alit artes.**  
**Hominum mentes variæ.**  
**Honores præbet pecunia.**  
**Humani casus ancipites.**  
**Humanarum rerum vicissitudo.**  
**Infelix litium exitus.**  
**Incertus rerum exitus.**  
**Ira tormentum sui ipsius.**

Jucundi acti labores. In vino veritas.  
 Iram compescere arduum.  
 Jactantiae comes invidia.  
 Ingenia hominum varia.  
 Inconsulti faciliè ruunt.  
 Incommodum hilaritate condiendum.  
 Ingens telum necessitas.  
 Industriam adjuvat Deus.  
 Infida semper societas.  
 Inconstantia fastidit amicos.  
 Incognitum non amatur.  
 Inexplebilis est mendicitas.  
 Injuria beneficio vincitur.  
 Jucunda rerum vicissitudo.  
 Ignorans omnis instabilis.  
 Infelicitas nemini obijcienda.  
 Injurias tolerare difficile.

Laus excitat ingenium. Lis parit litem.  
 Labore omnia florent. Lingua multos perdidit.  
 Labores gloriae fundamentum.  
 Linguam digito compesce.  
 Labor est thesaurus hominis.  
 Laus merces virtutis. Libertate nihil dulcius.

Malus similem quærit.  
 Malè partum dilabitur. Multa docet fames.  
 Malum patientiâ tollitur. Mens præfaga futuri.  
 Mulierem ornat silentium.  
 Miserrimum fame mori.  
 Mortalibus nihil tutum.

Munera capiunt homines.  
Mutua defensio tutissima.  
MUSICAM docet amor. Mors omnia sternit.  
Mors est inevitabilis. Mala senium accelerant.  
Mulieris dos pudicitia.  
Memoria thesaurus artium.  
Maledictis non respondendum.  
Natura paucis contenta.  
Nemo sibi nascitur. Nihil temerè credideris.  
Nil mentiri debes. Necessitas caret lege.  
Nè tua jactato. Nè aliena despicio.  
Nè cui obrectato.  
Necessitati nihil repugnat.  
Necessitas frangit ferrum.  
Nimia parsimonia vitanda. Nox pudore vacat.  
Nè quid nimis. Nihil assuetudine majus.  
Nusquam tuta fides.  
Nihil inexpertum affirmes.  
Naturæ frustra repugnatur.  
Nihil fugacius tempore.  
Obsequium amicos parit.  
Occasio facit furem.  
Opulentia tollit amicos.  
Omne principium grave.  
Occasio non negligenda.  
Opes celeriter dilabuntur.  
Odium obsequio lenitur.  
Omnia fert ætas. Opes arte parantur.  
Otium ingenii rubigo.

Pauper-

Paupertas excitat artes.  
Præceptorī discipulus obediāt.  
Pecuniæ obediunt omnia.  
Præceps consilium inauspicatum.  
Paupertas amicis nos spoliāt.  
Paria sunt conservanda.  
Pudor mendico inutilis.  
Plurium calculus vincit.  
Patriā nihil dulcius.  
Procrastinatio est odiosa.  
Principium dimidium totius.  
Quæ nocent, docent.  
Quævis terra patria.  
Risus nimius cavendus.  
Similia similibus favent.  
Simile simili gaudet. Servitus omnis misera.  
Soli fortunati amantur.  
Somnus mortis imago. Spes servat afflictos.  
Studium humanos reddit.  
Suum cuique pulchrum.  
Sequitur ver hyemem. Stultus stulta loquitur.  
Studia mentem indicant. Sors omnia versat.  
Silentium ubicunque tutum.  
Superbi difficilè corriguntur.  
Solus sapiens dives. Spes alit exules.  
Sibi quisque placet. Satietas ferocitatem parit.  
Semper feriæ inertibus.  
Sermo medetur tristitiæ. Silentio nihil utilius.  
Tempus edax rerum. Tempus breve est.



Tempus celerrimè aufugit.

Tempore omnia mutantur.

Tempus omnia revelat.

Tempore omnia peraguntur.

Tempore nihil velocius. Tempore fiunt omnia.

Tempus dolorem lenit.

Venter caret auribus. Verita magis appetimus.

Veritatis simplex oratio.

Vulgi iudicium stultum. Virtus laudata crescit.

Ufu omnia consumuntur. Varia dona hominum.

## *SENTENTIAE QUATUOR*

*ditionum.*

**A**liam ætatem alia decent.

Alius aliud vitii est.

Amicis utendum cum modestia.

Affidua exercitatio omnia potest.

Ab hominibus blandientibus cavendum.

Amicos inter adversa cognoscimus.

Amici boni rari sunt.

Amicitia vetus raro aboletur.

Amanti nihil est difficile.

Ambitio in Republica pestilentissima.

Amicitia omnibus rebus anteponenda.

Annus fructificat non tellus.

Animus cujusque sermone revelatur.

Ante annos prudentia nulla.

Arcus nimis intensus rumpitur.

Affueta mala non offendunt.

Amor non est sanabilis.

**Ad**

**Adversa sæpe excitant ingenium.**

**Auro placatur rex avarus.**

**Avari cupiditas nunquam expletur.**

**Audere non est sapientis.**

**Amico fido nihil pretiosius.**

**Adest unicuique rei modus.**

**Admonentes liberè rari sunt.**

**Ampla satis forma pudicitia.**

**Amicitia nullum pondus recusat.**

**Amorem oculi potissimum conciliant.**

**Avari non possunt satiari.**

**Avaritiâ nullum vitium tetrius.**

**Aranearum telis similes leges.**

**Beneficium semper beneficium provocat.**

**Beneficium animo donantis meriendum.**

**Beneficii exprobratio molesta est.**

**Bellum civile malum perniciosum.**

**Bona multa negligendo perduntur.**

**Bonis amicis parcius utendum.**

**Bonos viros omnia decent.**

**Blandis verbis homines exorantur.**

**Conjugium inæqualium malum est.**

**Canes timidi vehementius latrant.**

**Calliditas nimia interdum obest.**

**Charum est quod rarum est.**

**Consuetudo omnia dura lenit.**

**Consilium ubique plurimum valet.**

**Conscientia recta suavissima est.**

**Consuetudo quovis tyranno potentior.**

Commune naufragium omnibus solatium.

Consilium post facta inutile.

Cunctis opibus sapientia pretiosior.

Crescentem sequitur cura pecuniam.

Cum blanditur inimicus, fallit.

Cum fortunâ mutantur amici.

Degeneres animos timor arguit.

Divitiæ, bonæ mentis onera.

Docti doctorum familiaritate gaudent.

Dulce est meminisse laborum.

Dulce est paternum solum.

Deteriorum semper maior pars.

Damnum turpi lucro præponendum.

Diversæ terræ diversa producant.

Donum à dantis animo pensatur.

Divitiæ sunt causæ iurgiorum.

Damnare facile neminem debemus.

Disimulanda est sua miseria.

E squillâ non nascitur rosa.

Egestatem affert manus otiosa.

Ex aspectu nascitur amor.

Erudi iores efficimur omnes damno.

Extrema gaudii luctus occupat.

Ebrietas abditissima pectoris profert.

Ex minimis initiis maxima.

Errare commune est mortalibus.

Ensis pueris non committendus.

Exprobratio calamitatis nemini obijcienda.

Experientia est providentiæ magistra.

Ex parvis fiunt magna;

Ex otio vitia proveniunt.

Rxpertus pericula facile expavescit.

Felicitas multos habet cognatos,

Fortuna simillima vento est.

Fallere alios malum est.

Futurorum nulla certa cognitio.

Fies malus malorum contubernio.

Fugiendum est malorum commercium.

Fratrum concordia rara est.

Fugienda sunt nimis alta.

Fides etiam hosti servanda.

Gravis culpa, tacenda loqui.

Gloria pecuniis non emitur.

Homines ad malum proclives.

Hominis figura oratione cognoscitur.

Humile vitæ genus tutissimum.

Insapiente fortunato nihil intolerabilius.

Iraati nihil rectè faciunt.

Inter fratres rara concordia.

Ignavis semper feriæ sunt.

Ingratitudo vitiorum omnium caput.

In omni re opus est animo.

In adversis amicus probatur.

In omni re varietas delectat.

Inter arma silent leges.

Impatientia res cunctas exasperat.

Impetus cuncta malè ministrat.

Innumeris laboribus honos constat.

Ira omnium tardissimè senescit.  
Ingens thesaurus, bonus amicus.  
Inopinata mala graviora sunt.  
Immensum gloria calcar habet.  
Invidia suum torquet autorem.  
Improbâ linguâ nihil perniciosius.  
Innumera mala parit securitas.  
Ingenium mala sæpe movent.  
Ira non sedatur iracundiâ.

Labor est thesaurus hominibus.  
Labor virtutis gloriam accipit.  
Labor improbus omnia vincit.  
Longior vita diuturna calamitas.  
Libenter feras quod necesse est.

Minervâ invitâ nihil tentandum.  
Mala herba non perit.  
Mens præfaga futuri.  
Multa petentibus desunt multa.  
Mendacem memorem esse oportet.  
Malum lucrum æquale dispendio.  
Multis ictibus dejicitur quercus.  
Morosi nil candidè interpretantur.  
Malum consilium consultori pessimum.  
Mortalibus nihil charius pecunia.  
Mors omni ætati communis est.  
Mala sunt vicina bonis.  
Malo accepto stultus sapit.  
Malè respondent coacta ingenia.  
Modestia sanitati multum confert.

Miseri felicibus invidere solent.

Natura nihil solitarium amat.

Negotiosa res est litigare.

Nè vulgi sequaris errores.

Novit paucos secura quies.

Nihil efficacius simplici veritate.

Nè majora viribus suscipias.

Nihil turpius sene libidinoso.

Nihil absurdius divite avaro.

Nullus mortalium absolutè beatus.

Naturæ necessitas exiguo placatur.

Nemo læditur nisi à seipso.

Nocet temeritas multum mortalibus.

Nulla amicorum melior possessio.

Nihil est homine calamitosius.

Nihil dulcius amico monitore.

Nihil vulgarius quàm fallere homines.

Nimia lenitas non probatur.

Non semper aridet fortuna.

Opes amicos multos conciliant.

Omnia habere nemo potest.

Omnibus horis nemo sapit.

Optimum alienâ insaniâ frui.

Omnia suo tempore peragenda.

Omnes res facilè mutantur.

Oculus domini saginat equum.

Otium multa docet vitia.

Omnium est dulcissimum accipere.

Omnia bona pace constant.

Omnes

**Omnes deteriores sumus licentiâ.**

**Oratio factorum est simulachrum.**

**Oculi auribus sunt fideiores.**

**Omne solum, forti patria.**

**Pauperum mors est sine strepitu.**

**Pauperum sermones sunt vani.**

**Præstantiores sunt senum sententiæ.**

**Parva non sunt contemnenda.**

**Præcocia ingenia cito deficiunt.**

**Patria sua cuique jucundissima.**

**Publicâ concordia nihil utilius.**

**Parfimoniâ & labore crescunt res.**

**Prudentis est multa dissimulare.**

**Perturbato cordi nihil jucundum.**

**Perdifficile est bonum esse.**

**Pertinacia, elati animi comes.**

**Probitas magnum ingenium facit.**

**Peccanti non præstandum obsequium.**

**Post mortem cessat invidia.**

**Prosperis rebus animi luxuriant.**

**Quot capita, tot sensus.**

**Qualis vir, talis oratio.**

**Qualis princeps, talis populus.**

**Quisque suis malis blanditur.**

**Quid turpius arrogantis imperitiâ?**

**Quot homines, tot sententiæ.**

**Quantum habebis, tanti eris.**

**Qualis percontatio, talis responsio.**

**Res sacra est consultatio.**

Rem peractam stultus intelligit.

Re præteritâ omnes sapimus.

Rubor virtutis est color.

Rarò ulla calamitas est sola.

Ratio degenerat sine exercitatione.

Soli miseri carent invidia.

Sermone qualitas viri cognoscitur.

Silentio multis respondetur aptius.

Sequitur faciliè tempestas ex serenitate.

Sua quemque alit ars.

Senectute otiosa nihil iucundius.

Sermo opportunus est optimus.

Sermo character animi est.

Suus rex reginæ placet.

Sera in fundo parsimonia.

Semper inops quicunque cupit.

Sua quemque studia delectant.

Sine opibus nihil valeamus.

Sanitate nihil in vita melius.

Sine vitiis nemo nascitur.

Sapientia nimia non est sapientia.

Suus cuique attribuendus est error.

Supra vires nihil tentandum.

Suo quisque studio delectatur.

Spes mentes hominum fovet.

Turpe lucrum adducit infortunium.

Tempus omnia secum trahit.

Trahit sua quemque voluptas.

Tempore adversitatis probatur amicus.



Tempore omnia sunt leviora.  
Vinum immodicum, malorum causa.  
Ventre pleno, peior consultatio.  
Vulgus amicitias utilitate probat.  
Voluptates commendat rarior usus.  
Ubi timor, ibi pudor. Ubi amici, ibi opes.  
Ubi amor, ibi oculus. Ubi dolor, ibi digitus.  
Unus vir, nullus vir.  
Ut quisque est ita loquitur.  
Virtute nulla possessio major.  
Varia sunt rerum vices.  
Vitia celari non possunt.  
Vana gloria non est petenda.

*SENTENTIAE PLURIMUM*  
*Dictionum.*

**A**baliorum casu discas quid vites.  
Abjiciendus pudor, quoties urget necessi-  
A cane non magno saepe tenetur aper.  
Ad otium proclives sumus omnes.  
Adversa aequo animo sunt toleranda.  
Adulatio maxima in amicitia pestis.  
Adolescentis est majores natu revereri.  
Adeò in teneris consuescere multum est.  
Ad omnem disciplinam tardior est senectus.  
Agentes & consentientes pari poena puniuntur.  
Alterius salus, alterius est exitium.  
Alterius opes, alterius sunt spolia.

Alia vita, alia vivendi ratio.

Amicus verus thesaurus est magnus.

Amici in rebus adversis cognoscuntur.

Amor verus nullum novit habere modum.

Animus duris affuetus, minus offenditur.

Animus cuiusque sermone relevatur.

Ars laborat citra fortunæ opem.

Asinus mavult stramina, quam aurum.

Aurum multis sæpe suasis perperam.

Bacillum vitæ est egregia eruditio.

Beneficium collatum in gratos, solet foenerari.

Bene pauperem esse, melius est quam ditescere malè.

Beatissima civitas, quæ à sapientibus regitur.

Bonæ leges ex malis moribus procreantur.

Bonis quod beneficit, haud perit.

Bonos viros nihil maledicta vulnerant.

Boni ad bonorum convivia ultro accedunt.

Canis pauperem peregrinum semper infestat.

Canis festinans cecos parit catulos.

Canis antiquus catena affuefieri non potest.

Certiora quæ videntur, quam quæ audiuntur.

Credendum non citò est, quod dicitur.

Celant sua mala domestica sapientes.

Cavendum ab eo, qui semel imposuit.

Charius est quicquid mercede paratur.

Consilio melius vincas, quam iracundiâ.

Consultatione, re peractâ, non opus est.

Consilium perendum à consultis & prudentibus

Con-

Consuetudo cum bonis viris est habenda.  
Corpus magis dolore affici, quam mentem velis  
Corrigere naturam malam difficile est.  
Comite scelesto haud unquam iturus utere.  
Consuetudo in rebus omnibus semper est po-  
tentissima.  
Cura in omni re plurimum valet.  
Cum amico bene merito non est suscipiendum  
certamen.  
Cui fortuna aduersatur, amicos non habet.  
Desipere in loco, summa sapientia est.  
Disparis mores disparia studia sequuntur.  
Diffidentes facile superantur, concordēs haud  
facile.  
Diligitur nemo, nisi cui fortuna secunda est.  
Difficile est tristi fingere mente iocum.  
Dives est, qui nihil sibi deesse putat.  
Diyitiæ labore parantur, prodigalitate pereunt.  
Diis, parentibus, præceptoribus non redditur  
æquivalens.  
Difficilis res est inventu vetus amicus.  
Dives memineris, ut prosis pauperculis.  
Doctrina vana est, ratio ni accesserit.  
Dos non facit faustum conjugium, sed virtus.  
Durū est ea relinquere, quibus diu assueveris.  
De suis quisque verba facit.  
Dum non licet ut expeto, vivo ut queo.  
Damnaveris nullam, causā non cognitā.  
Dos est magna virtus parentum.

Dum felis dormit, saliant mures.

Dantur nunc opes nullis, nisi divitibus.

Difficilius est felicem, quam adversam ferre fortunam.

Doctus pauper diviti indocto præponitur.

Ex parvo initio res magna oritur.

Ex vitio alterius sapiens emendat suum.

Ex aliorum erratis ipsi cautiore efficimur.

Exiliū est illic homini, ubi parū commodè vixit.

Eximia est virtus præstare silentia rebus. (vit.

Ensis vulnerat corpus, sed animum oratio.

Errata ipsi nostra non agnoscimus.

Fortis est, falsam infamiam contemnere.

Fortis animi est, non perturbari in rebus adversis.

Facilius quis consulit aliis, quam sibi. (fis.

Fortunæ incommoda nihil movent sapientem.

Festinationis comites sunt error & poenitentia.

Feliciter sapit, qui alieno periculo sapit. (nem.

Facile sustem invenerit, qui eupit cædere ca-

Facile evolat verbum, tamen nunquam redit.

Fortuna prospera, dum blanditur, perdit.

Felicissimus, cui nihil contigerit in vita mali.

Felix, quicumque dolore alterius discere posse carere tuo.

Facile est absentem vincere, qui non repugnat.

Frustra sapit, qui sibi non sapit.

Gallus in suo sterquilinio plurimum potest.

Gratior est pulchro veniens e corpore virtus.

Hostem beneficiis vincere, optima ultio est.

Hu-

Humilis fortuna tutior est quàm excelsa.

Hæreditas famæ, quàm divitiarum honestior.

Humani animi difficilis est conjectura.

Homo avarus, quicquid agit, properat omnia.

Habent & suâ tranquillitatem tranquillæ aquæ.

Heri probitas familiam etiam reddit meliorem.

Inter socrum & nurum vetus est bellum.

Insperata accidunt magis sæpe, quàm quæ speres.

Ingenia præclara æmulis nunquam caruerunt.

Jugum qui fert volens, leve efficit.

Ipsa dies quandoque parens, quandoque noverca.

Infelicitatem absconde, nè inimicos reddas lætos.

Ingentes opes non parantur sine fraude.

Ingratitudo omnia vitia in se complectitur.

Incommoditas semper comes est commoditatum.

In aliena vitia naturâ sumus oculati, non in nostra.

Iræ imperans, vitam vives validissimam.

Incumbere variis ubique est languidum.

In rebus malis opus est bono consilio.

In adversis rebus amicus cognoscitur.

In periculoso negotio non est dormitandum.

Impossibilia optare sibi, delirantis est.

Inutilis est pudor, quem urget necessitas.

Invendibili merci oportet ultero emptorem adducere.

Indicat amicos tempus, ut aurum ignis,  
Invidus alterius rebus macrescit opimis.

Lites animi tranquillitatem adimere solent.  
Longior vita solet plurima incommoda afferre.  
Laudatur, non qui diu, sed qui bene vixit.  
Lucrum malum damnum semper affert.  
Luxu corporis hebescit mentis acies.  
Liberalem oportet esse, sed pro facultate.  
Lucrum nisi esset, nemo malus esset. (tur.  
Libentius oculatis, quàm auritis testibus credi-  
Leve fit, quod bene fertur onus.

Laude & obsequio vincuntur homines.

Mulier mala cunctis feris est ferocior.  
Matrona frugi passim non est obvia.  
Mulier domus salus est, & calamitas.  
Miserrimum mortis genus, fame emori.  
Mores bonos colloquia prava diruunt.  
Majora perdes, parva ni retinueris.  
Multa eveniunt homini, quæ non vult.  
Modus omnibus in rebus optimus habendus.  
Multa bona multis præter spem evenerunt.  
Multi invident aliis bonum, quo ipsi carent.  
Mentis habitum sermonis cultus solet indicare.  
Multis displicet, qui sibi nimum placet.  
Multò præstat medicari initia, quàm finem.  
Mores bonos convictus inficit improbus.  
Mores amici noveris, non oderis.  
Mortalia omnia mutationes multas habent.  
Magnæ res discordiâ pereunt, concordia valent.

Men-

Mendacium odit omnis sapiens & bonus.

Multa mala affert hominibus otium.

Maxima utilitas scire uti paupertate.

Nihil nostrum est, quod auferri potest.

Nulla discordia ubi idem est animus.

Nè commercium habeas cum improbis.

Non refert quàm diu vixeris, sed quàm bene.

Nè quenquam punito, rem nisi expenderis.

Noli misero insultare : fors communis est.

Nunquam repentè vir bonus ditatus est.

Nullum animal, nulla merx difficilior cognitu,  
quàm homo.

Non vivendum ut edas, sed edendum ut vivas.

Non ætate, sed ingenio acquiritur sapientia.

Non proderit tibi ingenii felicitas, nisi exercu-  
eris.

Nè curis tuum ipsius animum excrucies.

Nè moveris malum bene conditum. (rere.

Nihil turpius, quàm cum familiari bellum ge-

Nemo est hominū, in quo non aliquid vitii inest.

Non est beneficium quod in quæstum mittitur.

Non parùm lucrifacit, qui damnum effugit.

Nè disce turpitudinem, neve admiseris.

Non scēminam aurum exornat, sed boni mores.

Natura non dedit imperare scēminis.

Nihil, præter quod glisioit, novit scēmina.

Natura non finit præesse scēminam.

Nihil est ab omni parte beatum.

Nihil pejus mœrore in rebus mortalium.

Nul-



Nullam feres pauperie molem acerbius.  
 Nè cuncta semper, oro, credas omnibus.  
 Nè studeas malefacere, confisus opibus tuis.  
 Nihil est tam grave, quàm paupertas.  
 Nè festina ditescere, nè pauper fias statim.  
 Natorum iniquitas morum planè inficit.  
 Nihil est tam grave, quin amicum feceris.  
 Nihil sanitate in vita præstantius. (tia.  
 Nemo sic diligenter aliena, ut sua, curat nego-  
 nè conare, quod fieri non potest. (assiduitas.  
 Nihil est tam diuturnum, quod non emolliat  
 Nox, amor, vinum, turpia suadent.  
 Non ulli tacuisse nocet, nocet esse locutum.  
 Non est ejusdem, & multa, & opportuna dicere.  
 Nihil odiosius quàm quod semper idem est.  
 Naturæ suum jus eripere difficile est.  
 Neglectis urenda filix innascitur agris.  
 Nihil rectè faciunt ministri, nisi adest herus.  
 Non omnia eveniunt, quæ in animo statueris.  
 Omne nimium cunctis in rebus est fugiendum  
 Oculis magis habenda fides, quàm auribus.  
 Optima cogitata sæpe pessimè cedunt.  
 Oportet senescentem semper aliquid addiscere.  
 Optima quæque difficiles habent exitus.  
 Omnes sibi meliùs esse malunt, quàm alteri.  
 Omnis res properando parit errorem.  
 Omne malum nascens facile opprimitur.  
 Omnis mora quantumvis pusilla, longissima  
 videtur.

Oportet



Oportet id quod adest boni consulere.

Optimum erit, si quis tempus spectaverit aptum

Onus, cui impar sis, nè subiveris.

Omne supervacuum pleno de pectore manat.

Omnium rerum extremum est mors.

Patienter ferenda, quæ mutari non possunt.

Patrum mores non sunt arguendi, sed ferendi.

Pauci in secundis rebus moderati sunt.

Pessimus autor rerum gerendarum ira.

Patria sua cuique jucundissima est.

Post factum plerumque magis sapimus.

Proruunt cornua arietibus bene pastis.

Pessimi sunt consultores ira & cupido.

Præstat invisum esse quàm miserabilem.

Plurima sunt cognoscenda, sed optima retinen-

Præceps ira, multorum malorum autor. (da.

Pharmaca nascenti sunt adhibenda malo.

Pulchritudo corporis fragile bonum est.

Protinus apparet, quæ planta frugifera sit.

Parva scintilla contempta maximum excitavit  
incendium.

Periculosum est se aquis credere.

Præstantissimarum rerum summa raritas est.

Prudentis est, nihil temerè agere.

Pares cum paribus facillimè congregantur.

Proba merx facile emptorem reperit. (sunt.

Præterita reprehendi possunt, corrigi non pos-

Plures vincuntur æquabilitate, quàm duritiâ.

Pulchrum est, modum cujusq; scire temporis.

Præstat

Præstat mori quàm scædam vitam vivere.  
Placidis dictis dolor rectè curabitur.  
Ponere modum iræ & voluptati, bonum est.  
Præstat egere, quàm ex scelere ditescere.  
Præstat tacere, quàm loqui indecentia.  
Pluris est oculatus testis unus, quàm auriti decem.  
Plures necat lingua, quàm gladius.  
Perturbato cordi nihil est mundum.  
Pinguis venter non gignit sensum tenuem.  
Patriæ fumus igne alieno luculentior.  
Plus audit quisque domi, quàm foris.  
Plus vident oculi, quàm oculus.  
Probis ab animis facta promanant proba.  
Patria est homini, ubicunq; feliciter agit.  
Pauper est, non qui parùm habet, sed qui plus cupit.  
Perversæ sodalitates malum fructum ferunt.  
Pudore amisso, omnis virtus ruit.  
Præterita compellunt nos futurorum rationem habere.  
Pulchrum est injurias in gratiam commutare.  
Pueris nocet potare vinum.  
Quod repente tollitur, non est diuturnum.  
Quæ cernuntur, certiora sunt, quàm quæ audiuntur.  
Quod quisque vehementer amat, ejus non potest oblivisci.  
Quod aliis vitio vertas, ipse nè feceris.

Quic.

Quicquid præter spem evenit, id deputato esse  
in lucro.

Qui fugitant labores, optant dies festos.

Quicumque recusat laborem, non fert fructum.

Quid de quoque viro & cui dicas, sæpe caverò.

Quod multi faciunt, non continuo bonum est.

Quod uni bonum, alteri malum videtur.

Quod non est assuetum, laborem recusat.

Qui nimium properat, serius absolvit.

Qui nescit dissimulare, nescit imperare.

Quod satis est cui contingit, nihil amplius optet.

Qui se peccare nescit, corrigi non vult.

Quàm multa mala hominibus affert otium?

Quod naturæ est insitum, nullo corriges negotio?

Quisque advigilat ad id quod expetit.

Qui beneficium collocat in ingratum, perdit  
operam.

Quicquid nativum est, id haud faciliè mutatur.

Qui simul duplex taptat commodum, utroque  
frustretur.

Quod factis decretum est, id nemini licet evitare.

Quod factum est, infectum fieri non potest.

Quam quisque norit artem, in hac se exerceat.

Qui se deprædicant arrogantius, malos habent  
vicinos.

Quæ merito pateris, faciliè ferenda sunt.

Rebus maxime prosperis metuenda diversa  
fortuna.

Res non potest consistere, cum quæstum superet  
sumptus.

Res

Res initio pusilla crescit in majus.  
Res factu ardua, tamen assiduâ industriâ evincitur.

Rei non bonæ consuetudo pessima est.

Res humanæ naturâ proclives sunt ad corrup-

Res mala est multa concupiscere. (telam.)

Rex magnus quisquis bene rexit.

Solatium in miseris amicus compatiens.

Secundæ res incautos dementant, & perdunt.

Senectutis est otium & quies.

Sæpe etiam sub pallio sordido sapientia est.

Sæpe de levissimis causis existit ira.

Sine pennis volare haud facile est.

Supplex molieris est clarus clamor.

Sæpe summa ingebia in occulto jacent.

Situm quisque studium maximè probat.

Sapientia est à viro sapiente discere.

Summâ curâ lingua regi debet.

Stulti sunt qui corrigi nolunt.

Superanda omnis fortuna ferendo est.

Si non potes quod vis, id velis quod possis.

Senex homo est molestus costui juvenum.

Sapientiâ non est res ulla dignior.

Sapiens in se omnem habet substantiam.

Secrèta animi nunquam prodito.

Sapienti turpe est dicere; Non putavi.

Semper malis invisâ fuit egregia virtus.

Senex multa, quæ non vult, videt.

Si dixeris quæ vis, quæ non vis audies.

Sæpe

Sæpe mali malefacta viri populus luit omnis.  
 Stultus perinde atque Luna immutatur.  
 Sæpe vincas patientiâ, quem non viceris impio.  
 Solâ pecuniâ possunt expugnari alioqui invicta.  
 Satiùs est iniuriis mederi quàm fini.  
 Solitariae manûs invalida pugna est.  
 Sine victore amico insuavis vita est.  
 Silendo nemo peccat, loquendo per sæpe.  
 Spernimus in communi omnes præsentia.  
 Sui quemque sortis pœnitet, alienam miratur.  
 Sine ope divina nihil valemus.  
 Semper similem ducit Deus ad similem.  
 Sæpenumero pessima pro bonis amplectimur.  
 Semper metuit nimium præsaga mens.  
 Satiùs est tacere, quàm tacenda proloqui.  
 Sæpe consilio dissimilis eventus.  
 Spectandus semper est finis & rei exitus.  
 Tempus nullum est infructuosè transeundum.  
 Talia dicentur tibi, qualia dixeris ipse.  
 Tum judicant homines, ubi jam pœnitet.  
 Tempus ad lucem ducit veritatem.  
 Temulentus dormiens non est excitandus.  
 Tarditas in rebus gerendis odiosa.  
 Tanti quisque habetur, quantum habet.  
 Talis quisq; fit cum qualibus agit familiaritatem.  
 Verecundia, bonum in adolescente signum.  
 Violentia odium parit, odium dissensiones.  
 Vis sine consilio nihil prodest.  
 Ubi quisque thesaurum habet, ibi habet & cor.

Ut tua fuerit oratio, ita tibi respondebitur.  
 Voluntas sæpe laudanda est, ubi vires desunt.  
 Voluntas & labor procreant artes.  
 Varia & mutabilis semper fœmina.  
 Uxor quæ pudicitiam amisit, omnia simul perdidit.  
 Uxorum vitia post nuptias discimus.  
 Voluptate capiuntur homines, ut hamo pisces.  
 Unicum confugium in egestate est ars.  
 Victum para undecunque, at non ex crimine.  
 Unicuique dedit vitium natura creato.  
 Ubi quis dolet, ibidem & manum habet.  
 Vita nostra similis bullæ in aqua.  
 Vini hilaritas minuit senectutis molestiam.

*Sententia sacra festis diebus iuventuti  
 literaria proponenda.*

**A**bsque Deo nihil possumus.  
 Affectum cordis exigit Deus.  
 Afflictis adesse solet Dominus.  
 A Deo pendent omnia.  
 Ad terrena non respiciendum.  
 Arbor ex fructibus cognoscitur.  
 Assiduè bene operandum.  
 Adversitates nostræ à Deo.  
 Avaritia infert Dei oblivionem.  
 Ad verbum Dei nihil addendum.  
 A solo Domino cuncta speranda.

**Amisso**

Amislo verbo Dei omnia amittuntur.  
Animæ salus à verbo Dei pendet.  
Avari verbum Dei derident.  
Audaces Dominus dejicit.  
Ab Adamo peccatum in nos derivatum est.  
A Deo omnia donantur, quibus egemus.  
Ad vanitatem naturâ proclivis est homo.  
Auxilium à Domino expectandum.  
Avaritia cor excæcat & indurat.  
Autor omnium operum Deus.

Benedictio Dei omnia sæcundat.

Bona omnia dantur credenti. (mus.

Bonorum nostrorum dispensatores tantum su-

Bonitas Dei rebus in omnibus elucet.

Bellandum non est, nisi necessitate urgente.

Bellum moventes primi sæpe vincuntur.

Bello parta, bello pereunt regna.

Bona piis adveniunt Dei gratiâ.

Bona opera probant fidem.

Benedictio Domini credentes alit & sustentat.

Cognitio Dei vita æterna.

Consilio Dei omnia fiunt.

Credenti omnia sunt possibilia.

Consilia Dei non mutantur.

Credientibus omnia bona communicantur.

Christiani templum Dei sunt.

Charitas symbolum credentium.

Charitas est plenitudo legis.

Consilium nullum contra Dominum



Carnales regnum Dei non vident.  
Confidentia sola habenda in Deum.  
Christum qui fide habet, omnia habet.  
Christus est omnium bonorum thesaurus.  
Cruz sequitur Confessionem fidei.  
Crucem sequitur gloria.  
Compatiendum omnibus.  
Cruz est probatio fidei.  
Conscientiâ certâ omnia facienda sunt.  
Cæcitas est pœna contemptûs verbi Dei.  
Consilio & industriâ omnia gerenda.  
Calamitas omnis peccatorum pœna est.  
Credentes Deo omnia committunt.  
Credentes in Christum habent vitam æternam.  
Concordiâ Ecclesia regenda est.  
Christo data est omnis potestas.  
Christum audit, qui ex veritate est.  
Christo obediunt omnes creaturæ.  
Christi regnum in æternum durabit.  
Cultus Dei sine fide nullus.  
Consilium Dei immutabile.  
Cura omnis Deo committenda.  
Christus unus à morte liberat.  
Christum sequentibus nihil deesse potest.  
Cum hostibus beneficè agendum.  
Cupiditas habendi, radix omnium malorum.  
Confidendum non est in homine.  
Consilia hominum à Deo moderantur.  
Contra mortem non est remedium.



Dei voluntas omnibus in rebus spectanda.  
Deus opitulator in afflictionibus.  
Deus curam nostram habet.  
Damnandum temere nihil est.  
De verbo otioso reddenda est ratio.  
Deus emendat nos cruce.  
Deus fons omnium bonorum.  
Deus subito suos adjuvat.  
Deus solus scrutator cordium.  
Deo nihil non possibile.  
Deus conditor rerum omnium.  
Deus in tempore succurrit.  
Deus solus sempiternus est.  
Deus fide agnoscitur. Deus spes fidelium.  
Deo nihil est occultum.  
Deo omnia patent. Deus regit omnia.  
Doctrina quævis approbanda.  
Deus homini omnia subiecit.  
Deus non respicit personas.  
Deus videt & audit omnia.  
Deus consilia nobis abscondita.  
Deo potius obediendum, quam hominibus.  
Deus sibi soli omnia reservavit.  
Dei mandatis nihil addendum.  
Divitiæ obveniunt benedictione Dei.  
Deus suos liberat suo tempore.  
Dives & pauper à Deo facti.  
Deus ubi non est, ibi nihil.  
Deum humana astutia nihil celare potest.

Deo adversante, omnes creaturæ adversantur.

Deus homines non vult otiosos esse.

Divitiarum cupiditas à Deo abducit.

Deus pascit ac servat nos ultra nostram curam.

Deus est spiritus, & in spiritu adorandus.

Dei opera & consilia inscrutabilia.

Deus solus & gratis remittit peccata.

Deus operatur omnia bona opera in nobis.

Deus verbo suo monet, antequam puniat.

Deus corrigit, sed non abjicit suos.

Extollens se humiliabitur.

Exempla multorum non sunt imitanda.

Externa non inquinant hominem.

Eveniunt non quæ nos instituimus, sed quæ  
Deus decrevit.

Externa curare, neglectis internis, cæcitas est.

Emendatio vitæ fit Lege Dei.

Ebrietatis pœna, stultitia.

Fidelibus nihil deest.

Fideles mundus odit.

Furor depravat judicia.

Fides Dei donum est.

Fides sola justificat.

Fides gratis data.

Fidem respicit Deus.

Fidei signa opera sunt.

Fides facit filios Dei.

Fides adversitate probatur.

Fidelium mors, vita.

Fideles

Fideles sunt Deo curæ.  
Famis tempore satiantur fideles.  
Fides bonorum operum fons.  
Fides verbo Dei nititur.  
Futurorum cura, nobis inutilis.  
Fame fideles non pereunt.  
Fides vera non potest esse otiosa.  
Fides cuiusque ex fructibus cognoscitur.  
Gloria Deo tribuenda, non nobis.  
Gemitus oppressorum exaudit Deus.  
Garrulitas non est absque peccato.  
Garrulitas stultitiæ & mendacii argumentum.  
Gratiâ nondum natis promittit Deus bona.  
Humiles erigit Deus.  
Homini non fidendum.  
Homini cuncta serviunt.  
Humilitatem vult Deus.  
Hominis vita militi æst.  
Honor solius Dei est.  
Humani conatus inutiles.  
Humana solatia pereunt.  
Homo calamitosum animal.  
Homo ad calamitatem nascitur.  
Homo omnia à Deo accipit.  
Humilibus dat Deus dona sua.  
Homines sapientiâ, non viribus suis reguntur.  
Humiliat Deus omnia excelsa.  
Hominis cor ex natura sua malum.  
Humana ratio Deum agnoscit.

Homo sibi ipsi calamitatum autor.

Hostem beneficio vincere, optima ultio.

Judicia Dei inscrutabilia.

Inobedientia Deo displicet.

Judicare alios periculosum.

Infidelitas omnia impurat.

Judicandum est post causam cognitam.

Impiorum consilia non succedunt.

Incredulitas radix omnium peccatorum.

Impii suo consilio consumuntur.

Impii dona Dei contempunt.

Ignorantes legem Dei maledicti sunt.

In timore Dei omnia aggredienda.

Impiis voluptas est alienam famam lædere.

In solo nomine Jesu salvamur.

In operibus bonis non est torpendum.

Impius quod maximè timet, accidit ei.

Impiis omnia cedunt in malum.

Labore comparandus victus.

Liberalibus benedicit Deus.

Laborandum est ut proximo profimus.

Lætitia justorum nunquam perit.

Liberorum copia Dei donum optimum.

Longior vita diuturna calamitas.

Magistratui parendum.

Mortis certum tempus.

Morbi ob peccatum veniunt.

Majoribus honor exhibendus.

Miracula non temere sunt à Deo.

Mali puniendi ut non lædantur boni.  
Misericordia Dei initium salutis nostræ.  
Misericordia Dei omnibus necessaria,  
Mors dura sequitur bonam vitam. (unt.  
Monitis salutaribus non obtemperantes pere-  
Mors in credentes nihil juris habet.  
Malus magistratus malo populo datur.  
Malum non alio malo, sed bono pellitur.  
Malis Deus utitur organis.

Non temerè judicandum.  
Nullum malum impunitum.  
Nihil pejus ingratitudine.  
Nemini maledicendum.  
Nemo sine peccato est.  
Nemo coram Deo innocens.  
Nemo sibi soli natus est.  
Nullâ re abutitur justus.  
Non ferunt impii castigationem.  
Nihil facilius, quàm calumniari.  
Nullus Propheta acceptus in patria.  
Numerus populi Dei paucissimus.  
Nihil possumus ex nobis.  
Nihil pestilentius malâ doctrinâ.  
Non obliviscitur suorum Deus.  
Nihil cæcius corde impii.  
Nihil externi moratur Deus.  
Non satis bene cœpisti, nisi per severs.

Otium execratur Deus.  
Omnes sumus peccatores.

Omnia hominum opera impura.  
 Operarius cibo suo dignus.  
 Optima pœnitentia, vita nova.  
 Oculorum concupiscentia decipit,  
 Omnia nostra in manu Dei posita.  
 Omnia possibilia sunt credenti.  
 Opus non respicit Deus, sed animum.  
 Omnia propter hominem condita sunt.  
 Omnia verbo Dei condita sunt.  
 Omnia in melius interpretanda.  
 Opportunitas nusquam non observanda.  
 Orandi torpor, malum præfagium.

Potentes Deus dejicit.

Pios fovet Dominus.  
 Peccatum causa mortis.  
 Peccata operit charitas.  
 Pœna impiorum æterna.  
 Parentibus obedire debemus.  
 Piorum memoria æterna.  
 Pauperes ulciscitur Deus.  
 Peccata non delentur operibus.  
 Piis condiuntur dulcia amaris.  
 Piis omnia cedunt in bona.  
 Princeps bonus à Domino datur.  
 Peccata remittuntur ex gratia Dei.  
 Pascit Deus suos certissimè.  
 Peccatum est quod absque fide est.  
 Personarum acceptio non est apud Deum.  
 Pauperi merces non est differenda.

Peccata

**Peccata solus Deus remittit.**

**Providentiâ Dei orbis gubernatur.**

**Propitius Deus, optima hæreditas.**

**Puer alimentum in mundum secum affert.**

**Qui plus ambit, minus consequitur.**

**Qui magna moliantur, nihil efficiunt.**

**Respublica propter pios florer.**

**Redderetur unicuique juxta facta sua.**

**Reprobos recta monita reddunt deteriores.**

**Rebus utendum, sed non fidendum.**

**Reprehensio sit sine calumnia.**

**Senectus veneranda.**

**Superbos perdit Deus.**

**Societas mala vitanda.**

**Successus a Deo est.**

**Superbia animarum perditrix.**

**Scandalum non præstandum pueris.**

**Sapientia, non arma, defendit.**

**Seditiosis nunquam feliciter cessit.**

**Sine fide in Christum nemo salvatur.**

**Sine verbo Dei nemo est sapiens.**

**Sapientes ferunt castigationem.**

**Satan nocere nequit, non permittente Deo.**

**Sapientum consilia Deus irrita facit.**

**Sapientia humana, stulticia in rebus Dei.**

**Tardè est irascendum.**

**Tranquillitas in hac vita non speranda.**

**Timentes Dominum bene vivent.**

**Voluntas Dei bona.**

Verbo Dei alimur. Voluntas Domini stabilis.  
 Vindictam prohibet Deus.  
 Veritas semper persecutores habebit.  
 Uxor bona datur à Domino.  
 Vocatio cuique sua curanda.  
 Veritatis contemptus, gravissimum peccatum.  
 Vincere cupiditatem maxima fortitudo.

*F I N I S.*



**Communiora atque quotidiana  
 morum puerilium præcepta.**

**S**urgens manè, primum diei initium auspica-  
 beris in nomine Patris, & Filii, & Spiritûs  
 Sancti.

Et Dominicâ oratione commendabis te Chri-  
 sto. Gratias ages, quod eam noctem voluit  
 prosperam tibi.

Deinde precaberis, ut diem iidem illum totum  
 tibi fortunet bene, nè impingas in peccatum.  
 Mox veniens in conspectum, felicem diem pre-  
 caberis parentibus.

Indè capillitium comes, manu vultum lavabis,  
 ut



ut quamprimum recipias te ad ludum.

Ante ingressum, Spiritum suum ut tibi largiatur Christus, orabis, quia citra illius opem frustra est quod tentatur.

Cum veneris in frontisterium, libenter ausculta, & quod agis, toto pectore agito.

Responde verecundé. Parva non mordicùs confuta, sed verecundé.

Ante omnia cave, nè meritò vapules.

Nè quid dicto factòve vel præceptorem offendas, vel sodales tuos. (ce.

Disputantem contra te magis doce, quàm vindictam à ludo domum propera, nec in platea moram feceris.

Domi si quid est obsequii præstandum parentibus, diligenter obi.

Quod si vacat tecum repetere, quod prælectum est in schola repete. Nihil enim in vita pretiosius tempore.

Cogita, quod irrecuperabile est, & perit quod transigitur. Ubi hora ingruerit prandii, mensam adornato in tempore.

Sed ante apparatus pocula diligenter mundato. Mensæ primum supponitur mappa, inde circulus æreus, proximè salinum, post hæc orbes, ad postremum panis.

Eodem autem modo quo apparatus, ita & removetur, mensa.

Orbes colliguntur primum, posthac fassamenta & sal.

Indè

Indè caseus, vel quicquid aliud est secundarum  
mensarum.

Ad ultimum unà cum pane removetur & mappa  
Erectis & compositis pedibus sta, sollicitè ani-  
madvertens nè desit quid. Et cum infunden-  
dum, sive quid porrigendum, apponendum,  
aut tollendum est, civiliter id feceris.

Amandatus aliquo, reditum matura.

Ante & post epulas Deo benedicas.

Astans non turbabis, vel interturbabis aliorum  
sermonem, sed interrogatus breviter re-  
spondeto.

Cantharos & vasa nè per oblivionem confun-  
das, ut alterum fundas pro altero, si varia  
vina.

Salis nè obliviscitor.

Scissum vel confractum mensæ nè apponito.

Sub noctu inter cœnam advigilato attentè pro  
emungendis lucernis, & nè quid scædi pœdo-  
ris in nares redoleat convivantium.

Emungens candelam, nè extinguito.

Sed nè assuescas etiam, quicquid de mensa re-  
motum est, vel reconditum domi habent, ab-  
ligurire.

Actis gratiis, sublatis omnibus, si quid vacat lu-  
su quoque honesto animum laxa cum sode-  
libus, donec hora revocat in ludum à lusu.

Si autem contingat, ut ipse quoque mensæ ac-  
cumbas, hæc observabis.

Imprimis, ungues præscissos habeto.  
Manus lavato. Erectus accumbito.  
Hospiti collocanti acquieveris.  
Ebrietatem fuge. Sobrius esto.  
Sic præbebis hilarem te, ut semper memineris  
quid deceat ætatem tuam.  
Postremus omnium admoveto manum patinæ.  
Siquid datur lautius, recusato modesté.  
Si instabitur, accipe & gratias age.  
Mox decerptâ portiunculâ, quod reliquum est  
illi reddito, aut alicui proximè accumbenti.  
Alterius tamen uxori, marito assidente, nihil  
reddideris. Similiter principi aut magnati  
nihil reddideris.  
Parenti, amico, cognatis, licet frangere quæ  
optima videntur.  
Si quid lautius ministratur, ut hepar piscium, &  
alia quædam, parcius gustaveris, reliquum  
distribuas.  
Si quis præbabit tibi, hilariter illi bene precare;  
sed ipse bibito modicé. Si non sitis, tamen ad-  
moveto cyathum labiis. Arride loquantibus.  
Ipse nè quid loquare, nisi rogatus.  
Si quid obscœni dicetur, nè arridè, sed compo-  
ne vultum quasi non intelligas.  
Nè cui in mensa obtreçtato. Ne cui temet ante-  
ponito. Nè tua jactato. Nè aliena despicio.  
Esto comis erga tenuis fortunæ sodales.  
Deserto neminem. Nè sis linguâ futili.

Si videris convivium esse prolixius, precatus  
veniam, ac salutatis convivis, subducito te a  
mensa.

Panem pectore nè proscideris.

Digitulos proscindens, cultro nè apposueris.

Quæ ante, & juxta reposita sunt edito.

Decerpturus ex catino quippiam, summo cul-  
tro comprehendito.

Nè ut sus, effundas te supra cibum.

Nè confundas vel turbaveris digitis, quæ posita  
sunt in catino.

Ova manducaturus, panem conscindito frustra-  
tim prius.

Verùm nè quid præterfluat, curato.

Maturè edas ovum.

Testas non confractas in catinum rejicito.

Inter edendum ovum, non potabis.

Comesturus, thoracem nè commacules.

Piper quoque edens, digito nè prælinge.

Suprema labia aut nasum manicâ nè emungas  
inter epulandum. Nasum non absterge nisi à  
sedariolo, idque civiliter atque modeste.

Mucum digito non exculpito.

Salino digitos nè indas, neque salsamentis & pi-  
peratis omnibus. Buccellas nè nimis densas  
sumito, vel amplas, sed singulas conscindito.

Ex ore nihil extraxeris in orbem.

Caput inter epulas nè scalpito.

Omnis cachinnus effusus in convivio turpis est.  
Potaturus,

Potaturus, duobus digitis labra suprema abstergito.

Non appareat supernatans in poculo tuo sagma aut pinguedo.

Sed nec cibum habens in ore, & nec dum voratum potabis. Simul & mandere, & loqui rusticum est.

Screare similiter, aut oscitare, aut expuere crebrius, similiter incivile habetur.

Agreste & ethnicum habetur, in supremum cubitum recumbere.

Panem tinctum vino edere ex poculo in coetu hominum, ridiculum est.

Non recumbes in dorsum more rusticorum.

Cochleari quantum satis est, haurito & sorbeto.

Inter sorbendum nihil distilles, neque bis uno haustu sorpseris.

Donec manderis & glutiveris, nè sorbeas iterum.

Canum est imensos bolos vorare, & ossa rodere.

In ossibus si quid pulpamenti hæreat, modestè cultro proscindito.

Alii verò convivæ quid præcerpant, vel appositum habeant, nè temerè circumspexeris.

Quod semel dentibus demorsum aut rosum est, paropsidi nè inferas.

Turpe est ossium & eduliorum quisquilias sub mensam dejicere.

Indecens quoque, unguibus, linguâ, aut cultro  
repurgare dentes, sed agendum id est extra  
convivium.

Cibus esto temperatus ac festivus.

Prande parcius. Cœna liberalius.

A cœna suavis fabulis temet oblecta.

Cibi vel potûs non quantum libidini, sed quan-  
tum naturæ satis est, sume.

Pransus hilariter quædam facito.

Sub cœnam paulisper ambula.

Cœnaturus idem facito.

Jejunus studebis ac scribes.

---

**F I N I S.**

---

